



Inombolo yefayili: 25/3/R  
Isalathiso: 20230210-1307

INGcaciso eMfutshane yeMfundo eneeMfuno eZizodwa: 0001/2023

Iya: KumaSekela Balawuli-Jikelele, KuBalawuli abaziNtloko, kuBalawuli (kwaNdlunkulu nakwii-ofisi zezithili), kwiiNtloko zoLawulo noKuphathwa kwamaZiko, kwiiNtloko zoKunika iNkxaso kwiKharityhulam, kwiiNtloko zoKunika iNkxaso kuBafundi, kuBaphathi beeSekethe, kwiiNqununu nakooSihlalo bamabhunga olawulo kwizikolo zikarhulumente

**Isihloko: Iphulo lokugonyelwa imasisi nezinye iinkonzo zempilo**

## 1. Imvelaphi

- 1.1 Uqhambuko lwemasisi lwakutshanje kwihlabathi ngokubanzi, kuqukwa nakumaphondo amahlanu eMzantsi Afrika, lubonakalisa izikhewu kwinkqubo yogonyo.
- 1.2 Esi sifo siyingozi kwimpilo nasekukhuleni komntwana ngokwasengqondweni, sikhokelele kwimfuno yokuba kusungulwe iphulo lokugonyelwa imasisi kwabantwana likazwelonke.
- 1.3 Iphulo lemasisi leSebe lezeMpilo leNtshona Koloni liya kuqhutywa ngaxeshanye kunye/okanye liya kuhlangukiswa nephulo lokugonyelwa i-*Human Papillomavirus (HPV)* laqho ngonyaka kubafundi abangamantombazana beBakala 5 ezikolweni, elicwangciselwe ukwenziwa ngoFebruwari ukuya kowe-31 Matshi 2023.
- 1.4 Kucetyiswa ukuba apho kukho abasebenzi abaneleyo, ezinye iinkonzo eziphambili ezinjengokubekwa esweni kokukhula kwabantwana, ukubonelelwa ngo-*Vitamin A*, ukupheliswa kweentshulube, njl-njl. ziya kuhlangukiswa kwakuba kunikwe imvume yoko.

## 2. Abantwana ekujoliswe kubo

- 2.1 Bonke abantwana ukususela kubudala beenyanga ezintandathu ukuya kwiminyaka eli-15, nokuba basesikolweni okanye akunjalo, kungajongwanga ubume babo bokugonyelwa imasisi namathamo esigonyo (*doses*) ababewafumene ngaphambili, bakufanele **ukugonyelwa imasisi.**

- 2.2 Ngabantwana abangamantombazana beBakala 5 abasesikolweni ababudala buyiminyaka eli-9 nangaphezulu abasezikolweni, **abaya kufumana isigonyo se-HPV**
- 2.3 **Isigonyo i-Diffavax Td** siya kunikwa amakhwenkwe namantombazana akwiBakala 5 abakubudala beminyaka eli-9 nangaphezulu abasesikolweni.
- 2.4 Ukulungiselela u-**Vitamin A**, abantwana ekujoliswe kubo ngabo bonke abantwana abangawafumananga amathamo (*doses*) esigonyo ngokwesiqhelo (ukugonywa kwababephosakele) ukuya kwiinyanga ezingama-59.

### 3. Imihla elungiselelwe amaphulo

- 3.1 Ukugonyelwa imasisi kuya kuqhubeka ngoFebruwari nangoMatshi 2023.
- 3.2 IProgram yokuPhelisa iiNtshulube yeSikolo kaZwelonke eyenzelwa amaBakala R-7, kwizikolo zamaNqanaba entlupheko 1 ukuya ku-3, iya kuqhutywa ngoMeyi, ngoJuni nangoJulayi 2023.
- 3.3 Ithamo lokuqala lesigonyo se-HPV liya kunikwa abafundi ngoFebruwari nangoMatshi 2023.
- 3.4 Ithamo lesibini lesigonyo se-HPV, liya kunikwa abafundi ngoSeptemba nango-Oktobha 2023, Ukugonyelwa i-Diffavax Td kwamakhwenkwe namantombazana asesikolweni kwiBakala 5, kuya kwenziwa ngaxeshanye.
- 3.5 Ngethuba leVeki yezeMpilo yeSikolo eqala ngowe-16 ukuya kowe-29 Oktobha 2023, kuya bonelelwa abafundi ngeenkonzo zempilo ezijolise kwiimeko zezempilo ngokubanzi kumaziko eenkonzo zezempilo amiselweyo.
4. Iifom zokunika imvume (*consent forms*) ziya kukhutshwa liSebe lezeMpilo yaye akukho mfundi uya kufumana nasiphi na isigonyo ngaphandle kwemvume yomzali eyimfuneko.
5. Kucelwa wazise okuqulethwe kule ngcaciso imfutshane bonke abachaphazelekayo ukuze bakuthathele ingqalelo.

**ISAYINWE:** NGU-AJE MEYER

**USEKELA MLAWULI-JIKELELE WOPHUHLISO NOQUQUZELELO LWAMAZIKO**

**UMHLA:** 2023-02-21